



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Ecclesia Cathedrali Cæsaravgvstæ. Ioannis Baptistæ  
Tvrricelli Responsum**

**Torricelli, Giovanni Battista**

**Romae, 1656**

§. II.

**urn:nbn:de:hbz:466:1-13380**

N. 21.

**A**D primum adminiculum ex residentia Episcoporum in Ecclesia del Pilar deductum Respondetur, ea quæ traduntur per Murill. à cap. 20. ad caput 31. seu per Patrem Lezanam cap. 2. per tot probare quidem continuatam seriem Episcoporum, qui Cæsaraugustæ præfuerint, non autem in Ecclesia del Pilar eos resedisse; quod ut evidentius pateat difficultati proprius accedentes, Cæsaraugustanos Episcopos ad duas classes redigamus; quarum prima, qui ante Maurorum tempora, secunda qui sub Maurorum imperio federint, complectatur.

Qui, occupata à Mauris Cæsaraugusta Ecclesiam rexerunt, eos in Templo Sanctissimæ Virginis consedisse, historici omnes memorie produnt: at eorum sedes non nisi temporalem Cathedralitatem eidem templo cōferre potuit; quippe Ecclesia S. Salvatoris, quam ante Hispaniarum excidium Cathedralem fuisse ostendimus, Maurorum Ritibus profanata dignitatem tamen suam habiūt retinuit, quam vindicata à Christianis libertate iterum actu, & verè recepit ad text. in Can. pastoralis 7. quest. 1. vt i glos. notab. & traxita in simili de Parochiali per Loter. de re benef. lib. 1. quest. 20 num. 153. & Seraph. decis. 1287. numer. 2. Prout dubitationem non subit, quin templi Cathedralis S. Sophiæ, quod hodie à Turcis Constantinopi occipatur, primæua iuta, & prærogatiuæ non periscent, si illud Christiani recuperarent.

Qui verò Maurorum tempora præcesserunt in Ecclesia S. Salvatoris, vt pote Cathedrali resedisse præsumendum est, cum Prælatus domicilium suum propè Ecclesiam Cathedralem habere teneatur, vt etiam in decis. arguitur sub nu. 53.

Nec obstant, quæ proponuntur de SS. Valerio, & Braulio, quorum primum ex Aymoino lib. 1. cap. 6. de translat. Corporis S. Vincent, atque ex Prudentio in 4. hymno de 18. Martyr. alterum

alterum ex Breuiario S. Hieronymi præter Neotericos de  
vtroque testantes, in Ecclesia del Pilar sedem habuisse de-  
duci videtur.

Nam verius est dictos Episcopos in Ecclesia S. Saluatoris rese-  
disse, vt ex pluribus instrumentis inscriptionibus, & consti-  
tutionibus in decisi. relatis sub num. 16. & seqq. abundè pro-  
batur; quæ quidem de Ecclesia, & Cathedra Cæsaraugu-  
stana in abstracto iuxta expositionem in calce decisionis  
allatam intelligi nequeunt; quia quatenus hanc interpreta-  
tionem admitterent simplices enuntiatione de Ecclesia Cæ-  
saragustana, vtique eam respuunt enuntiatione de templo  
S. Saluatoris, tum quia titulus Saluatoris adiectis certam-  
ædem Saluatori dicatam designat*ixx.* Præposit. in Can. San-  
ctorum num. 2. vers. ad secundum 10. quest. 1. tum quia licet  
Ecclesia non tam pro loco, in quem fideles conueniunt,  
quam pro ipso fidelium Conuentu accipiatur iuxta glof. in  
cap. cum querelam verbo prefatam Ecclesiam. Ne Præl. vices  
suas, & Baron. ad ann. Christi 57. Attamen templum pro  
loco tantum propriè usurpari indicat text. in l. si nondum, C.  
de fure. & Baron. ad d. ann. 57. ibi. Templum quoque sepius  
idem locus dictus est, uequaquam vero à maioribus delubrum,  
vel fanum, &c. imò templum pro ampliori Ecclesia, & ad  
differentiam Sacelli acceptum apud Canonistas nosat Loter.  
de re benef. lib. 1. quest. 13. num. 5. post Bellameram in cap. &  
hoc dicimus num. 8. 16. quest. 7. qua propter cum in lectio-  
nibus, quæ in Episcopatu Cæsaragustano recitantur die  
20 Octobris, non solum Cæsaragustanæ Ecclesiæ, sed ex-  
pressè templo S. Saluatoris B. Valerium præfuisse legatur his  
verbis. Ac postquam idem Rex Alphonsus Secundus misit ad  
d. Ecclesiam S. Saluatoris Caput S. Valerij, quidam Prior Roten-  
sis misit etiam brachium S. Valerii Antistitis eiusdem Ecclesiæ  
ad quam miserat Rex Caput, &c. quo scilicet Reliquia tanti  
Pastoris, & Prælati, illiusque Sanctissimæ viri venerarentur in  
eadem Civitate, & templo, in quo præfuit tanta sanctitate &c.  
Cæsaragustanam Ecclesiâ spiritualiter, aut Carhedralem

in

in abstracto considerare non possumus, cum determinetur locus, templum scilicet Saluatoris, in quo vir sanctissimus præsuit, & Cathedram collocauit.

Itaque attendi non debet historia translationis Corporis Sancti Vincentij quatenus S. Valerium cum S. Vincentio eius Archidiacono Ecclesiae B. M. præfuisse memorat; Quia dicta historia, & si grauissimi auctoris Aymoini Monaci nomen prætendat, ei tamen falsò tribuitur, ut ex ipso operis initio apparet quod ab anno 855. desumptum ad annum 863. & ultra protenditur: Cum tamen Aymoinus Superiori saeculo vixerit, pro ut in *historia Francorum lib. 4. cap. 54.* ipsem et his verbis testatur, *A passione Domini usque ad istum annum presentem qui est decimus nonus Principis Caroli (Marielli videlicet) sunt anni 735.* quo tempore eum historias scripsisse constat, & propterea ad dictum annum 863. superuiuere non potuisse,

Sanè dictam historiam Iacobus de Breul Monacus S. Germani à Pratis eius temporibus primum prælo commissam fateatur, quam ex antiquo Codice manuscripto in Bibliotheca eius Monasterij existente exscribi, & historiæ Francorum adiici ijdem Monaci curauerunt. Quamobrem quatenus auctor aliquis antiquus eam historiam condidisset, non tamen ex ea tanquam antiqua argui posset, cum eadem recenter ex priuato exemplo transcripta in lucem prodierit: nisi id exemplum sub publica custodia seruatum, & historia vulgata fideliter ex dicto exemplo extracta probaretur, ita ut in neutrum quippiam irrepercere potuerit quod antiquo, & genuino Codici aduersaretur argumento text. in cap. tum ex litteris, S. nos igitur, vers. perspeximus quoque, & ibi glos. verbo ex parte tua, de in integr. restit. cap. ad audientiam, de prescript. & Auth. ad hec C. de fid. instr.

Multò minus ex hymno Prudentij desumendum est argumentum residentiæ S. Valerij in Ecclesia del Pilar, cum de ea totum carmen nec verbum habeat, nec Prudentius somniauerit, nec quisquam ex multis qui Prudentium exposuerunt.  
Si inspiciatur propositio

Bis

Bis nouem noster Populus sub uno  
Martyrum seruat cineres sepulcro  
Cesaraugustam vocitamus Vrbem,  
Res cui tanta est

Cesaraugustam laudari constat præ reliquis Hispaniæ Oppidis Martyrum reliquijs ditatam, ut not. Victor Giselin in comment. ad d. hymnum vers. I. Nec subsequens carmen.

Plena magnorum domus Angelorum  
Ad aliud quam proximè enunciatam Vrbem referri potest,  
prout etiam illud.

Christus in tuis habitat plateis

Christus ubique est

Confert mox Poeta Cesaraugustam cum alijs Hispaniæ Vribus, eamque cæteris omnibus maiorem Martyrum numerum Deo oblaturam concludens, ab ijs versibus

Tu decem Sanctos reuehes, & octo

Cesaraugusta &c.

Eiusdem Laudes per totum hymnum prosequitur, Martyrum ptrialm, templum, & palestram eamdem nuncupans ut potè quæ Sanctorum fœcunda ad obeundum Martyrium ita fideles exercuerit, ut Martyrum cruento ubique irrigata veluti templum colenda esset; quæ quidem ad Ecclesiam del Pilar referri nequeunt; cum oratio eadem continuetur & sæpius pronomen istud, atque aduerbia, hinc, inde, repetantur.

Martyrum credas patriam coronis

Debitam sacris, chorus unde surgens

Tendit in Cælum niueus togatae

Nobilitatis

Inde Vincenti tua palma nata est,

Clerus hinc tantum peperit triumphum,

Hinc Sacerdotum domus infulata

Valeriorum

Sænus antiquis quoties procellis

Turbo vexatum tremefecit Orbem

Tristior

Tristior templum rabies in istud  
 Inulit iras & paulò inferius  
 Noverat templo celebres in isto  
 Octies partas deciesque palmas,  
 Laureis doctus patrys, eadem  
 Lande cucurrit  
 Hic & Encrati recubant tuarum  
 Offa virtutum &c.

Quæ demonstratiua sunt ad oculum Vrbis Cæsaraugustæ, de  
 qua superius dixerat ad not. p. v Rebuff. in l. I. ff. de verb. signif.  
 & Isomem Magistrum in glos. ad eundem Hymnum n. 77. & 78

**C**onfirmatur hæc veritas animaduertendo, tum periequitionem à Diocletiano in Christianos excitatam non in B. Mariæ templum, quod imo Daciani furorem B. Virginis præsidio euasit Thoma Caccino teste in d. hist. Eccl. vol. I. ann. Domini 43. sed in Cæsaraugustam sœuius, quam alias Hispaniæ Vrbes incubuisse: Vnde Christianos templi nomine à Poeta expressos sensit Elias Antonius Nebrissensis in annot. ad d. hymnum num. 83. usus Apostoli testimonio, An nescitis quod templum Dei estis? tum subsequentia carmina de Encratidis sepultura Ecclesiæ del Pilar neutiquam conuenire, non enim Sanctæ Encratidis cineres in templo Sanctissimæ Virginis, sed humi ignoto sepulcro conditi, atque anno demum 1389. reperti, ut colligitur ex Ioanne Veitzio ad eundem hymnum sub princip. & Biuario ad Dextrum anno 300. comment. 3. in eiuodem D. Encratidis templo cum reliquijs octodecim Martyrum hodie adseruantur, ut habet Vasæus in Chronico Hispaniæ ad ann. Domini 306.

**Q**uid autem habet cum Ecclesia del Pilar domus Valeriorum? num quia adiacet Ecclesiæ del Pilar aula, quæ dicitur Valeriana, conjecturam deducere possumus, eā Valeriorum fuisse, & ex hac conjectura aliam conjecturam videlicet fuisse S. Valerij Episcopi potius quam aliorum ex gente Valeria: Et rursus Sanctum Valerium non modo fuisse Dominum eius domus, sed in ea habitasse, ut ex domicilijs proximitate

mitate colligatur **Cathedralitas** contiguae Ecclesiae, quasi ex una presumptione alias atque alias deducere iuris regulis non aduergetur?

Sed hoc deducit Murill. ex eo Prudentij:

*Hinc Sacerdotum domus insulata*

*Valeriorum*

**Cui** verò suaderi ~~possit~~<sup>t</sup>, Prudentium de ædibus non autem de gente Valeriorum loquutum esse, quæ **domus** nomine opimè exprimi potuit iuxta illud Virgilianum

*Sergeriusque, domus tenet à quo Sergia nomen*

& ex insulis Episcopalibus domiciliū potius laudare voluisse quam familiæ dignitatem, & sanctitatem quemadmodum Auchenij generis nobilitatem, ex fascibus repetiſt

**Claudianus**

*Per fasces numerantur aui At de his satis*

Similiter Sanctum Braulium in Ecclesia del Pilar Sedem posuisse, ut inde eiusdem **Cathedralitas** deduci possit, ex Breuiario S. Hieronymi non elicetur, sed immò contrarium; Cum enim Synodo celebrata vnuſquisque Episcopus ad propriam Sedem reuersus, B. verò Braulius in Ciuitate Cæſaraugusta in S. Maria Maiori Sedem suam diuinitus situasse dicatur: vtique Ecclesiam S. Mariæ non fuisse consuetam Sedem Episcoporum manifestè deprehenditur, si in ea Diuino monitu Sedem suam, & domicilium Diuus Braulius collocauit; nec enim verbum illud *diuinitus* ad Episcopalem ordinem (vt sensit Rota) Diuini Spiritus decreto ei collatum, de quo separata, ac perfecta periodo superius dictum fuerat, sed ad proxime enunciatam Sedis situationem referri debet, *iux. theor. gloss. in l. final. verb.* & *hoc amplius. ff. de reb. aub. & Bartol. in l. talis scripture. S. final. num. 3. de legat. 1. quem sequitur Rot. coram Merlin. decis. 237 num. 8. & 9.*

Quod confirmatur ex diuersitate orationis, qua de alijs Episcopis, & B. Braulio sit mentio; Si enim B. Braulius ad propriam Sedem reuersus esset, superuacanea fuisset expressio

G

presso eius reditus ad Ecclesiam S. Mariæ Maioris quippe verbis illis vniuersalibus comprehensi, unusquisque ad propriam Sedē, reuersus est. At quia ad Cæsaraugustam repetens non ad propriā Sedem, sed ad Ecclesiam B. Virginis numine iubente diuertit, ideo id factum expressè recensetur cōtinuata narratione per aduersatiuam vero<sup>1</sup>, B. vero Braulius &c. cuius dictionis natura est aduersari in casu qui continentur sub generalitate præcedenti ad tex. in l. mariti S. eum autem, ubi glof. & Bart. ff. ad l. Iuliam de adulter. & l. hoc amplius, §. de his autem, ff. de damno infecto. Corn. conf. 86. n. 12. in fin. vol. 3. & conf. 233. num. 3. & conf. 247. num. 5. vol. 4.

Et idem Breuiarium S. Hieronymi nobis indicat, dum post narratam Synodi celebrationem, & positam Sedem à B. Braulio in Ecclesia del Pilar sub lectione septima subdit, S. Braulius reuersus ad Sedem propriam anno vigesimo sui Pontificatus, etatis vero centesimo dura ægritudine occupatur &c. Ex quibus liquet B. Braulium ex Cœcilio Tolentano redeuntem se quidem transtulisse ad Ecclesiam S. Mariæ Maioris, non tamen semper in ea permanisse, sed ætate prouectum ad Ecclesiam Sancti Salvatoris antiquam Episcoporum Sedem esse reuersum.

Verum quatenus SS. Valerius, aut Braulius in Ecclesia del Pilar resedissent, Cathedralitatis eius Ecclesiae infirmissimum, neque concludens argumentum hoc esset, si modo temporū quibus viri ijs Sæctissimi claruerunt, ratio habeatur. Sanctum Valetium Episcopum, & S. Vincentium eius Archidiaconum Ecclesie Cæsaraugstanæ præfuisse, grassante in Christianos Diocletiani, & Maximiani persecutione, conueniunt omnes Historici.

Primum Edictum in Christianos propositum refert Euseb. hist. Eccles. lib. 8. cap. 3. Quo mandatum fuit, ut Ecclesia deturbarentur, soloque æquarentur, scriptura absumerentur igni: qui honorem fuissent adepti de gradu turpiter deponerentur, & priuati si modo in professione Christiana prestarent, libertate penitus priuarentur. Non longo post tempore alijs exeuntibus

bus litteris edictum est, ut omnes Ecclesiarum Presides ubi-  
que gentium primum conicerentur in vincula, deinde omnibus  
machinis athibitis idolis victimas immolare cogerentur, vt  
ibidem testatur Euseb.

Primus igitur furor in Ecclesiis incubuit; easque protinus so-  
lo æquatas verisimile est, quippe mandatum illud facilius  
peragi potuit cæteris tempus, & causæ cognitionem (vt ita  
dicam) poscentibus.

Dacianus persecutionis huius in Hispanijs minister sacras æ-  
des vbiique diruit, Cæsaraugustæ vna Ecclesia del Pilar  
Sanctissimæ Virginis patrocinio seruat, vt scribit Thom. Cac-  
cin. hist. Eccles. vol. I. ann. Christi 43.

Id autem actum anno Christi 302. quo primum Diocletiani  
edictum emanauit, colligitur ex Baron. adeundem ann. in  
princip. Christianorum cædem non nisi anno 303. initium  
habuisse, quo Dacianus Cæsaraugustam venit, ibique car-  
nificinam exercuit, tradit idem Baron. ann. 303. num. 134.  
& seqq. vbi subdit, ne vlla reliquia eßet Martyribus ibi positis  
consolatio quam perciperent, vel exhortatione Sanctorum, vel  
exemplo virtutis, & eorum patiendo constanter. Dacianum cu-  
rassæ ut inde abduceretur Valerius eius Civitatis Episcopus,  
eiusque Diaconus opere, & sermone pollens Vicentius quem Va-  
lentiam ad supplicium amandauit.

Vasens in Chron. rerum Hispan. sub ann. 306. hanc cladem  
recenset. At siue anno 303. siue 306. Cæsaraugustana  
Ecclesia fuerit afflcta, ab anno 302. quo Ecclesiæ omnes  
fuerunt euerse ad annum 303. siue 306. Beatum Valerium  
Episcopum, & Beatum Vincentium eius Archidiaconum  
Cæsaraugustæ commoratos esse ex consilio quod in eos  
capit Dacianus manifestum est; quo tempore fieri potuit,  
imò factū necesse est, vt B. Valerius cum B. Vincētio in Ec-  
clesia del Pilar, alijs dirutis sede posuerit, vt refert historia  
translationis S. Vincentij Aymoino Monaco falso tributa.

Sed restituta per Constantinum magnum Imperatorem Chri-  
stianalibertate, & refectis eius decreto per totum terrarum

Orbem Ecclesijs, quas Superiorum Cæsatum vesania deiecerat, vel Cæsaraugustanas Ecclesias, Cathedram verò potissimum restauratam tum dignitas templi, cum Vrbis opulentia, & Christianorum numerus suadet, quo tunc temporis Cæsaraugustam non cum Vrbibus, sed cum Provincijs certare potuisse, tradit *Vaseus d. chron. ann. 306.*

Hinc Sedem in Ecclesiam del Pilar publica calamitate translatam, cessante persecutione antiquæ Ecclesiæ restitutam necessè est, prout Ecclesia casu fortuito destructa, & reædificata antiquas prærogatiwas, & primæua iura recuperat ad *glos. in cap. priuilegium 7. verb. priuilegium, versic. si autem destruatur ab hostib. de regul.iur.in 6. Decian.conf.93.nu.14. sib. 5. Pœnia decif. 117. num. 6.*

Non absimili causa contingere potuit ut S. Braulio Ecclesiæ del Pilar sedem præbuerit, cum enim S. Braulius Leouigildi Regis filius, Gregorio Pontifice Romæ sedente, regnante verò in Hispania Recaredo eiusdem Braulij, & S. Hermene-gildi fratre, in tertio Concilio Toletano Cæsaraugustæ Episcopus electus fuerit, iuxta Breuiarium ab Ecclesia del Pilar anno 1539. productum coram Iudice compromissario Ferdinando de Aragonia Archiepiscopo Cæsaraugustano; quo tempore, etiam si Rex Arianam hæresim abiurasset, etiam per Hispaniam, atque Africam quam latissimè radibus propagatis exemplo excidi, atque ex ~~an~~is populum auelli nequijt: & fieri potuit, & verisimile est ut Sanctus Braulius, Cathedrali ab Ariano Episcopo occupata, in Ecclesia Beatissimæ Virginis sedem suā collocauerit: quippe Leouigildi Regni temporibus Arianos Episcopos primoribus in templis sedisse, Catholicos verò eo concessisse quo Regum connuentia, vel populorum studia dedere, ex historia Hispaniæ compertum est, & præsentim ex *Vasei Chronico cap. 20.* quos quidem non omnes neque protinus à Recaredo proprijs Ecclesijs restitutos, sed prout temporum, & terum conditio patiebatur, vnicuique suaderi potest.

*Carillus quidem in historia S. Valerij fol. 230. S. Braulium Cæsarau-*

faraugustanæ Ecclesiæ ab anno 624. ad annū 644. præfuisse,  
 probare cōtendit, atque ita longè post tertium Concilium Toletanum  
 anno 589. celebratum; quod quidem, & Vasæus sensisse  
 videtur, qui Ioanni Cæsaraugustano Episcopo anno 623.  
 defuncto S. Braulio successisse, & Cæsaraugustanæ Eccle-  
 siæ viginti fermè annis præfuisse memorat in suo Chronico  
 anno 637. Verum quidquid de hoc sit dicendum coniectu-  
 ra eadē ex rei Christianæ statu post obitū Recaredi desumi-  
 potest, cum néque Ariana hæresis omnino extincta, neque  
 Catholica Ecclesia pacata esset, sed & B. Leander Hispalen-  
 sis Archiepiscopus in exilium ab Arianis relegatus deces-  
 serit, & Vicericus, seu Vinctericus vir bello strenuus, qui  
 occiso Loiba Gothorum Regnum occupauerat Arrianam  
 hæresim reuocare conatus fuerit, ut habet Vasæi Chroni-  
 cum ad annum 603. & Sentilla Rex Regni fascibus detur-  
 batus, & in quarto Concilio Toletano hoc est anno 633.  
 communi Patrum decreto excommunicatus fuerit, vt Paulus Aemilius memoriæ prodidit, quod quidem B. Braulio  
 Cæsaraugustanam Ecclesiam regente contigit, cuius statu  
 ab hæreticis vexatum fuisse colligitur, vel ex eodem Bre-  
 viario S. Hieronymi ubi habetur, Situata ab eo dininitus se-  
 de in Ecclesia S. Marie Maioris, ortam esse hæresim de secta  
 illius falsidici Maometi, qua funditus extirpata, Catholica  
 veritas eo presidente augmentum sumpit. Quamobrem  
 quatenus S. Braulius vel propria pietate, vel Spiritu sancto  
 admonitus, vel occupata ab hæreticis Cathedrali, in Eccle-  
 sia del Pilar aliquandiu consedisset, Cathedralitatem ea-  
 Ecclesia neutiquam consequi potuit, nec ædes Salvatoris  
 antiquam sedis prærogatiuam amittere, quam iure quodam  
 post liminij, & tanquam ad libertatem reuersa pulsis hære-  
 ticis recuperavit, ad text. in can. Pastoralis, ubi glos. 7. qu. 1.  
 & d. glos. in cap. priuilegium de regul. iur. in 6. cum adductis in  
 ultima decisione in hac causa emanata coram Illustissimo Bi-  
 ebio.

## §. III.